



Broj: 01/01-2774/9-2023  
Sarajevo, 21.12.2023. godine

Na osnovu člana 69. stav (1) tačka a), člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14 i 59/22), na preporuku Komisije za provođenje postupka nabavke broj: 01/01-2774/8-2023 od 21.12.2023. godine za nabavku: **Održavanje i popravka liftova** Dekan Univerziteta u Sarajevu-Prirodno-matematičkog fakulteta donio je

## ODLUKU o izboru najpovoljnijeg ponuđača

### Član 1.

Prihvata se Preporuka Komisije za provođenje postupka javne nabavke broj: 01/01-2774/8-2023 od 21.12.2023. godine i ugovor za nabavku roba: **Održavanje i popravka liftova** dodjeljuje se ponuđaču **LIFTMONT d.o.o. Sarajevo** čija ukupna cijena ponude iznosi **1.494,00 KM bez PDV-a** kao najbolje ocijenjenom ponuđaču nakon provedene E-aukcije.

### Član 2.

Izabrani ponuđač dužan je u roku od 5 (pet) dana od dana zaprimanja ove Odluke, na adresu Univerzitet u Sarajevu - Prirodno-matematičkog fakulteta, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

### Član 3.

Ova odluka objavit će se na web-stranici [www.pmf.unsa.ba](http://www.pmf.unsa.ba) u skladu sa članom 70. stav (6) Zakona o javnim nabavkama BiH.

### Član 4.

Ova Odluka stupa na snagu danom donošenja.

### Obrazloženje

Postupak javne nabavke pokrenut je Odlukom o pokretanju postupka javne nabavke: **Održavanje i popravka liftova** broj: 01/01-2774/2-2023 od 24.11.2023. godine.

Obavještenje o nabavci broj: 29340-7-2-80-3-80/23 od 24.11.2023. godine objavljeno je na Portalu javnih nabavki i u Službenom glasniku BiH broj: 83/23.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 05.12.2023. godine, tendersku dokumentaciju preuzeli slijedeći potencijalni ponuđači: EKAPIJA DOO, LIFTMONT D.O.O., BBS EUROPE, OTIS LIFTOVI DOO, EURO LIFTING D.O.O. i DVG-ALM COMPANY D.O.O. SARAJEVO.

Iz Zapisnika o otvaranju ponuda vidljivo je da je Komisija za javne nabavke dana 05.12.2023. godine po redosljedu zaprimanja izvršila javno otvaranje blagovremeno prispjelih ponuda:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	<b>LIFTMONT d.o.o. Sarajevo</b>	Da	01/01-2774-1/5-2023	04.12.2023.g. u 10:15 sati
2.	<b>OTIS LIFTOVI d.o.o. Sarajevo</b>	Da	01/01-2774-2/5-2023	04.12.2023.g. u 11:10 sati

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda prosljeđen je putem email-a svim ponuđačima koji su blagovremeno dostavili ponudu.

Komisija za provođenje postupka javne nabavke je na zatvorenom sastanku pristupila pregledu i ocjeni ponuda, kako bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Komisija za provođenje postupka nabavke je sačinila Zapisnik o otvaranju ponuda i sačinila sažetak primljenih ponuda kako slijedi:

Redni br.	Naziv i sjedište ponuđača	Ponudeni popust	Ukupna cijena ponude
1.	<b>LIFTMONT d.o.o. Sarajevo Milana Preloga 17 71000 Sarajevo</b>	0,00 KM	Cijena ponude bez PDV-a = 5.980,00 KM 0% popust <b>Ukupna cijena ponude sa uračunatim popustom bez PDV-a = 5.980,00 KM</b> PDV na cijenu ponude = 1.016,60 KM Ukupna cijena za ugovor = 6.996,60 KM sa PDV-om
2.	<b>OTIS LIFTOVI d.o.o. Sarajevo Paromlinska 53F 71000 Sarajevo</b>	0,00 KM	Cijena ponude bez PDV-a = 5.991,00,00 KM 0% popust <b>Ukupna cijena ponude sa uračunatim popustom bez PDV-a = 5.991,00 KM</b> PDV na cijenu ponude = 1.018,47 KM Ukupna cijena za ugovor = 7.009,47 KM sa PDV-om

Nakon pregleda i ocjene ponuda, Komisija za provođenje postupka nabavke utvrdila je da ponude ponuđača **LIFTMONT d.o.o. Sarajevo** i **OTIS LIFTOVI d.o.o. Sarajevo** ispunjavaju sve minimalne uslove za kvalifikaciju tražene tenderskom dokumentacijom, te da su iste **prihvatljive**.

Iz Zapisnika o pregledu i ocjeni ponuda vidljivo je da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj: 29340-7-2-80-3-80/23 od 24.11.2023. godine predviđeno provođenje E-aukcije za kvalifikovane ponuđače, te je Komisija u skladu sa podzakonskim aktima zakazala E-aukciju kroz sistem E-nabavke za dan 08.12.2023. godine sa početkom u 13:15 sati.

Komisija za provođenje postupka javne nabavke je u Zapisniku o pregledu i ocjeni ponuda sačinila početnu rang listu ponuđača koji su pozvani da učestvuju u E-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1	LIFTMONT D.O.O.	4202652050006	5.980,00	1
2	OTIS LIFTOVI DOO	4201709640003	5.991,00	2

Iz Izvještaja o toku i završetku E-aukcije vidljivo je da je E-aukcija kvalifikovanih ponuđača započela dana 08.12.2023. godine sa početkom u 13:15 sati i ista okončana navedenog dana u 13:35 sati.

Iz Izvještaja o toku i završetku E-aukcije vidljiva je konačna rang lista ponuđača koji su učestvovali u E-aukciji:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	LIFTMONT D.O.O.	4202652050006	1.494,00	75,02% **	1
2	OTIS LIFTOVI DOO	4201709640003	1.500,00	74,96% **	2

\*\* Označava približnu vrijednost procentualnog umanjenja nakon zaokruživanja na dvije decimale

Nakon E-aukcije Komisija za provođenje postupka javne nabavke je na osnovu Izvještaja o toku i završetku E-aukcije u Zapisniku o pregledu i ocjeni ponuda konstatovala da je najpovoljniji ponuđač **LIFTMONT d.o.o. Sarajevo** čija konačna cijena ponude nakon E-aukcije iznosi **1.494,00 KM bez PDV-a**.

Shodno navedenom, Komisija je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu -Prirodno-matematičkog fakulteta da se u predmetu nabavke: **Održavanje i popravka liftova donese Odluku o dodjeli ugovora ponuđaču LIFTMONT d.o.o. Sarajevo, čija cijena ponude iznosi 1.494,00 KM bez PDV-a.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

#### **Prilog:**

- Zapisnik o pregledu i ocjeni ponuda

#### **Dostaviti:**

- Ponuđaču: **LIFTMONT d.o.o. Sarajevo**
- Ponuđaču: **OTIS LIFTOVI d.o.o. Sarajevo**
- Dosije nabavki
- a/a

Akt pripremila: Emina Hadžić, viši stručni saradnik za projekte i poslove javnih nabavki



**DEKAN FAKULTETA**

Prof. dr Nusret Drešković

*Emina Hadžić*